

मार्निंग डोगरी न्यूज बुलेटिन, समें. 09.20 Hrs

<><><><><><>

## Headlines

1. प्रधानमंत्री नरेन्द्र मोदी अज्ज दिनै 11 बजे आकाशवाणी पर अपने मन की बात कार्यक्रम दे राहें देश-बदेश दे लोकें कन्नै बचार सांझे करडन।
2. लेफ्टिनेंट गवर्नर मनोज सिन्हा होरें औंदी 23 अक्टूबर कोला जम्मू-कश्मीर विधानसभा दा इजलास सद्देआ ऐ।
3. एलजी होरें जम्मू-कश्मीर दे सामे ते टिकाउ विकास लेई प्हाड़ी जनजाती समुदाय गी सशक्त बनाने दी सरकार दी वचनबद्धता गी फ्ही पक्का कीता ऐ।
4. उपमुख्यमंत्री सुरिंदर चौधरी होरें आखेआ ऐ जे सरकार कम्म-रोजगार ते उद्यमिता लेई इक तगड़ी प्रणाली स्थापित करदे होई नौजवानें दे सशक्तिकरण लेई वचनबद्ध ऐ।
5. ते क्रिकेट च एशिया कप टी20 क्रिकेट प्रतियोगिता दे अज्ज दुबई च खेड्ठे जाने आहले फाईनल मुकाबले च भारत दा सामना पाकिस्तान कन्नै होग।

-----  
<><><><><><>

## PM-MKB

प्रधानमंत्री नरेन्द्र मोदी होर अज्ज दिनै 11 बजे अपने माहवार रेडियो कार्यक्रम “मन की बात” दे राएं देश-बदेश च रोहने आहले लोकें कन्नै अपने बचार सांझे करडन। एह् इस कार्यक्रम दी

126मीं किशत हॊग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज ऑन ए.आई.आर मोबाइल ऐप ते डीडी न्यूज, आकाशवाणी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिशी तुस रातीं 8 बजे इक बारी परतियै बी सुनी सकदे ओ। आकाशवाणी जम्मू दे प्रादेशिक समाचार एकांश आसेआ कल रातीं साइडे 10 बजे मन की बात पर इक बशेश परिचर्चा बी प्रसारत कीती जाहग जेहदे च साढे परोहने होडन वरिष्ठ पत्रकार ते नामवर लखारी संत कुमार शर्मा ते उंदे कन्नै गल्लबात करडन साढे न्यूज एन्कर जगमोहन शर्मा।

<><><><><><>

### LG-Summon

लेफ्टिनेंट गवर्नर मनोज सिन्हा हौरें जम्मू-कश्मीर विधानसभा दी बैठक 23 अक्टूबर 2025 गी बड्डलै 10 बजे श्रीनगर च सददी ऐ। जम्मू-कश्मीर विधानसभा दे सचिव हुंदे आसेआ जारी एह नोटिस जम्मू-कश्मीर पुनर्गठन कनून, 2019 दी धारा 8 (1) दी पालमा करदा ऐ। सब्बने मिम्बरें गी गुजारिश कीती जंदी ऐ जे ओह जम्मू-कश्मीर विधानसभा च प्रक्रिया ते कम्मकाज सरबंधी नियमें दे नियम 3 मताबक इस सत्र च हिस्सा लैन।

<><><><><><>

### LG-Tribals

लेफ्टिनेंट गवर्नर मनोज सिन्हा हौरें कल श्रीनगर च पहाड़ी जनजातीय समुदाय दे इक किट्ठ गी संबोधित करदे होई उंनैगी सशक्त बनाने ते समाज दी मुखधारा च शामिल करने आस्ते

केन्द्र सरकार दी बचनबद्धता गी फही पक्का कीता। उनें जोर देइयै आखेआ जे लगातार विकास ते समावेशी खुशहाली जम्मू-कश्मीर च जनजातीय आबादी दा उज्जवल भक्खि यकीनी बनाग। पहाड़ी8 जनजाति समूहें गी अनुसूचित जनजाति दा दर्जा देने दे पिछले बरे दे ऐतिहासिक फैसले गी उजागर करदे होई उपराश्रज्यपाल होरें जारी विकास पहलकदमिं दे महत्व गी उजागर कीता। उनें भरोसा दोआया जे सरबंधत कनून तैहत सब्बनें अधिकारें दी हिफाजत कीती जाग ते उनें समुदायें गी आतंकवाद खलाफ इकजुट होने ते शांति ते स्थिरता लेई खतरा पैदा करने आहली चरमपंथी विचारधारां गी नकारी देने दा आहवान कीता। इस मौके पर बोलदे होई एल.जी होरें आखेआ।

<><><><><><>

## LG Awards

लेफ्टिनेंट गवर्नर मनोज सिन्हा होरें जम्मू-कश्मीर च पिछले दिनें आई दिं कुदरती क्रोपिं दरान शानदार ते दलेरी भरोची सेवां देने आहले फौज, एनडीआरएफ, एसडीआरएफ, जम्मू-कश्मीर पुलस, गैर-सरकारी संगठनें ते सिविल प्रशासन दे अधिकारिं ते कर्मचारिं गी कल सम्मानित कीता। कल श्रीनगर च 'प्राइड ऑफ जेएंडके अवार्ड' आहले कार्यक्रम दरान भाशण दिं दे होई एलजी होरें पर्यावरण ते आर्थिक तंत्र बश्कार संतुलन स्थापित करने दी जरूरतें पर जोर पाया। जैविक बन्न-सबन्नता दी रक्खी-हिफाजत गी इक राष्ट्री मिशन करार दिं दे होई एलजी होरें कुदरती साधनें-वसीलें दी स्थिति गी परतियै ब्हाल करने लेई सांझे जतनें दी गुजारिश बी कीती। श्री सिन्हा होरें जम्मू-कश्मीर दे तेजिआ कन्नै बाददे-विकास लेई केन्द्र सरकार दी वचनबद्धता गी फही पक्का कीता। उनें आखेआ

<><><><><><>

## Prog. Announcenent

आकाशवाणी दा क्षेत्रीय समाचार एकांश जम्मू “सेवा पर्व 2025” दे तैहत अपने विशेष कार्यक्रमें दी श्रृंखला दे इक हिस्से दे तौरा पर कल सोमवारें 29 सितम्बर गी 25एं मिन्टे दी इक विशेष परिचर्चा प्रसारत करने जा रदा ऐ, जेहदा विषय रखेया गेदा ऐ- “दफा 370 ते 35ए गी खत्म करने बाद पूरे जम्मू खिते च सेहत ढांचे ते सेवाएं च बदलाव”। इस कार्यक्रम च स्हाड़े परौहने होडन नारायणा सुपर स्पेशलिटी अस्पताल, कटड़ा च ऑर्थोपेडिक्स विभाग दे सीनियर कंसल्टेंट डॉ. विकास पाधा जेहड़े इस विषय दे बकख-बकख पहलुएं पर अपने विचार सांझे करडन। इंदे कन्नै गल्लबात करडन स्हाड़े न्यूज एंकर श्रुति खजूरिया ते कुणाल श्रीवतस। एह कार्यक्रम कल सोमवारें 29 सितंबर 2025 गी दपैहरी 12 बजे स्हाड़े इस्सै चैनल पर मीडियम वेव 303 मीटर यानी 990 किलोहर्टस ते थड 100 इशारिया 3 मैगाहर्टस पर प्रसारत कीता जाहग।

<><><><><><>

## Dy CM Job Fair

उपमुखमंत्री सुरिन्दर चौधरी होरें कल जम्मू दे कन्वेंशन सेंटर च मिशन युवा दे तैहत इक बड्डे रोजगार मेले दा उद्घाटन कीता। जम्मू-कश्मीर रोजगार विभाग आस्सेआ आयोजित इस कार्यक्रम च 2 हजार 200 कोला मते बेरोजगार युवाएं हिस्सा लैता ते 55 कम्पनिएं आसेआ 1500 कोला मती नौकरिं दी पेशकश कीती गई। डिप्टी सीएम होरें आकखेआ जे मिशन युवा रोजगार, उद्यमिता ते हुनर विकास दे राएं नौजवानें गी सशक्त बनाने दा इक परिवर्तनकारी

जतन ऐ। उनें मिशन युवा ऐप राएं प्रमुख डिजिटल प्लेटफार्मे दी बी शुरुआत कीती ते युवा उद्यमिं गी मंजूरी पत्र बंडे।

<><><><><><>

### Seva Parv

मुख्य भरे च औंदी 2 अक्टूबर तोहड़ी मनाई जा'रदी सेवा पर्व आहली पैहलकदमी दे तैहत अज्ज अस तुसें'गी दस्सगे जे किस चाल्ली नरेन्द्र मोदी सरकार ने अटल पेंशन योजना दे राहें भारत दे गैर-संगठित खेतर दे कार्यबल लेई समाज सुरक्षा गी मजबूत बनाने दा कम्म कीता ऐ। ब'रे 2015 च रम्भी गेदी अटल पेंशन योजना अज्ज भारत दे गैर-संगठित खेतर दे कार्यबल लेई समाज सुरक्षा दा इक मजबूत थम्म बनी गेदी ऐ। मजूदा समें च इस योजना कन्ने 8 करोड़ शा मते लोक जुड़े दे न। ग्रामीण इलाकें दे बसनीके ंतोहड़ी मजबूत पुज्ज ते डिजिटल एकीकरण दे कन्ने एह योजना, गरीब लोकें गी रटैर होने पर माली सुरक्षा दी गरंटी दि'दी ऐ। इस योजना पर अपनी प्रतिक्रिया दि'दे होई किश लाभार्थिं आखेआ .

<><><><><><>

### GST-Electronics

नमीं पीढ़ी दे जीएसटी सुधारें तैहत केन्द्र सरकारै केई सारी चीजें पर टैक्स दी दरें गी घट्ट कीता ऐ ते इ'दे च उपभोक्ताएं दे इस्तेमाल आहिलियां चीजां ते गड्डियां वगैरा बी मुख्ख तौर पर शामिल न। जंदी 22 सितम्बर थमां घरे च इस्तेमाल होने आहली इलैक्ट्रानिक चीजें जि'आं एयर कंडिशनरें, डिश वाशरें ते बड्डी स्क्रीन आहले एलईडी टेलीविजनें पर जीएसटी दी दर गी

28 फीसद शा घटाइयै 18 फीसद करी दिता गेआ ऐ। इस्सै चाल्ली 350 सीसी तगर दे इंजन दी समर्थ आहले दो-पहिया वाहनै सने 1200 सीसी शा हेठली समर्थ दिएं लौहकी पेट्रोल कारें पर जीएसटी दी दर गी घटाइयै 18 फीसद कीता गेआ ऐ। इस गैह् दा मकसद एकड़ी चीजें गी मता किफायती ते पुज्जत आहला बनाना ऐ। इस गैह् दी सराहना करदे होई इक मुकामी बसनीक ने आखेआ

<><><><><><>

## Asia Cup

एशिया कप टी-20 क्रिकेट दे फाइनल च अज्ज भारत दा मुकाबला पाकिस्तान कन्ने होगं एह मैच भारती समें मूजब रातीं 8 बजे शुरू होग। एह मैच दुबई च खेडेआ जाग। एशि कप दे 41 बरें दे इतिहास च एह पैहला मौका होग जिसलै दवें टीमां फाइनल खेडडन। भारत हुनै तगर 8 बारी एशिया कप दा खिताब अपने नांस करी चुके दा ऐ। इस बारी प्रतियोगिता च दवें टीमां त्रीस बारी आमने-सामने होडन।

<><><><><><>